

五

鹿

塊

五

五

五

五
鹿
塊

古本戲曲叢刊五集

據上海圖書館藏
傳鈔本景印原書
葉心高一八八毫
米寬一二五毫米

五鹿瑰傳奇自叙

適齋許廷錄撰

晉公子出亡事載之史記筆之國語傳之左氏知書君子無不得而知之大學第犯一章童蒙初入學亦且為之誦解余何為演而編之哉夏四月觀劇於瑯琊氏客謂予曰晉公子重耳事可傳也惜無其傳子能曲盡廣其傳乎子應之曰唯歸家菟所謂史左國而稽之茫乎若臨深山林不蒼莽荆棘盤鬱雖有奇峯峻嶺却不得上因惘然憂之轉悔向之何以輕諾也繼復思天下豈有不可闢之徑邪因芟草萊剪荆棘懸崖而上援索而升登巔陟嶺得踐予言而予憂始釋因思是編為眾所

共知而具事實可以風世驪姬之釀禍獻公之信譖申
生之純孝杜原款之忠懇子犯之智趙衰回李之贊畫
魏犢顛頡之勇敢秦楚兩君之好賢至若季隗之能守
齊姜之能斷負羈妻之明慧終之以重耳之能擇國患
皆可以為世之鑑而立之則是曷不可以傳哉於是始
之五月越三月而告成予因而喟然曰嘻今而後余不
敢復輕諾矣壬戌秋八月

詩以言情三百篇後有古詩十九首六朝百三名家自
唐自樂府四十八調為二十四調而後詩餘奏曲大盛
金元則變為九宮十三調亦雅頌之流亞詩詞之遺音
也今之為傳奇者徒尚新聲矣求乎不離古文而其言
雅馴者什不獲一固世俗之通弊非予先祖所敢出也
予生也晚不及聆先祖之徽音先父嘗云爾祖平生好
學手不釋卷所著詩集皆已付梓餘有五鹿塊暨兩鍾
情蓬壺院傳奇嗣付剞劂時予年未及冠入耳不經何
知斯之可歌可誦也今於甲辰冬謹排纂為二十八齣
分為上下二卷嗚呼是豈以淫詞艷曲為工而不本諸

古文者乎夫傳奇說劇行世者甚多無非懲惡勸善善
惡之跡往已見於史書而是編也尤取人己所讀之春
秋復為之追魂繪影誠能發前人之所未發俾讀春秋
者閱之恍然知善者益善惡者益惡即未讀春秋者見
之亦憬然知善者如此不善者如彼此吾先祖演五鹿
瑰之志即作春秋之志也夫時在

乾隆歲次乙巳孟秋

孫許士良琴南謹識

曲始於金而盛於元金人之曲惟董解元西廂獨傳元
人則有百種曲行世當時以曲取士於四聲中但取平
上去三聲而以入聲隸之謂之北曲至於南曲亦始於
元之晚季今優人搬演者惟高則誠琵琶施君美幽閨
乃元人所遺餘皆明人與今人所為也吾高祖適齋公
所填南北九宮實足為曲家金科玉律吾祖琴南公藏
之已久今翻閱五鹿瑰蓮壺院兩種情三部類多殘缺
失次疊壽勉編而續成之

同治八年

玄孫許疊壽春臺謹識

五鹿塊傳奇目錄

卷上

鑑義

伸薦

宵譖

速祭

毒胙

賜謚

誠將

億禍

斬祛

招親

締隗

姬悼

圖適

却迎

卷下

別隗

受塊

贅齊

議洩

醉遣

逐戈

殯壁

饗楚

商贅

羸艷

兵會

班朝

討叛

欽詔

五鹿塊傳奇卷上



題目 五義士出救蒲城難

正名 晉公子歸拜周王恩

第一折 鑑義 詩餘東來

面江月未上 嬖倖喪邦顛覆奸臣害國傾頹祗因寵愛
巧相假早墮機關之內 孝敬反遭危殆忠良偏惹擠
排二千餘載事堪懷義演春秋垂誠

沁園春 晉肇桐封君當猷世巧害東宮及重耳羨吾建
邦分守邊疆奸患蠹賊交訐可痛申生無逃大義負屈
啣冤禍女戎蒲城難斬祛奔翟燕爾來龍 五日豪義

如虹受塊郊原歷困窮看贅入雄邦操戈志小遠臨蠻
國執弭詞洪去楚投秦戲揮沃盟返國還朝繼禪宗成
宏業尊王戴聖特賜恩隆

堪悲悼的是申生賜縊

可頌揚的是重耳却立

宜訕笑的是五人載醉

得歡欣的是三女返國

第二折

伸薦

中呂

天田

引中呂滿庭芳

小生金冠錦袍引旦老旦小旦貼丑執金瓜太監上

系本天家胄分王室桐封奕葉遙傳安適磐

石無事試迴旋苑頻收雋望愧風神宗子慚賢衷賜

事傷懷箕服覆轍在途前

鴈鴟天壯志冲霄不受羈男兒事業有誰知身逢困

厄遭陽九牢犖何須歎數奇安社稷定邦畿風雲

會合護蛟螭還期孽虺消除日始是神龍出沒時俺

晉公子重耳是也俺國自成王時受封歷世相承到

俺已十有八世永享昇平之福長沾雨露之恩俺雖

身生錦繡性愛詩書鴟鳩哺飼心固結於桑椹鴻雁
循行情孔懷夫棣萼所慮者俺父王內寵驪姬外嬖
優施二五他們朝夕讒譖所以俺兄申生命居曲沃
俺與弟夷吾一居於蒲一居於屈窺其意思不過欲
行殘害之謀故先為分離之計目下看來禍不遠矣
這却怎麼處幸還有舅父狐偃師傅趙衰二人輔佐
俺已遣人去請且待他來再作商議

滿庭芳前

外冠帶圓領上

義膽忠肝同心交濟還期甘

苦相連

生武巾上

看王事多乖恐未許安全

外俺家狐偃字子犯是也

生

俺家趙衰字子餘是也

見介外請了生請外今早蒙公子見召我等一同進

見生請進去丑稟介狐趙二位老爺進生外公子在

上臣狐偃臣趙衰參見願公子千歲小生二卿目下

父王聽信奸邪使俺兄弟上不得盡晨昏之奉下不

得通頃簞之情特請二卿到來共商排難遠害之計

外公子在上那驪姬在主上前離間公子兄弟其心

不過欲立奚齊目下禍機雖伏但形迹未露生據臣

鄙見看來公子還須恪恭子職謹守封疆以俟天命

而已小生二卿之見極明謹領命了外還有一事要

稟明公子小生請教外有偃之契友田季字子襄

乃足智多謀之士也又有魏準顓頊二人勇敢異常
才能出眾他們聞公子仁德欲來投見生他三位英
俊臣亦久仰的倘蒙不棄將來正有用之材也小生
如此敢煩引見外待偃請來請介三位有請老旦旦
先下

〔滿庭芳後〕末扮四季武巾青素箭衣淨扮魏準將巾素
箭衣付扮顓頊水帽青箭衣同上末國士慚虛報也更

無憑智勇難言淨平生願安邦扶國付功績後人傳

外三位公子請見末淨付見介公子在上四季等拜

見小生久慕高賢今得來親教誨實三生之幸也末